

Die X. Decembris.
I N F E S T O

Translationis Almæ Domus B. M. Virginis.

Introitus Gen. 28.

Terribilis est locus iste: hîc Domus Dei est, & porta Cæli: & vocabitur aula Dei.

Psalm: 82.

Quàm dilècta tabernacula tua, Dómine virtutum! concupiscit, & deficit ánima mea in átria Domini. *Ÿ. Glória Patri &c.*

Oratio.

DEUS, qui Beátæ Mariæ Virginis Domum per Incarnati Verbi mystèrium misericórditer consecrâsti, eámque in sinu Ecclesiæ tuæ mirabiliter collocâsti: concède; ut segregati à tabernaculis peccatorum, digni efficiámur habitatores Domus Sanctæ tuæ. Per eundem Dòminum.

Lectio libri Sapiéntiæ. Eccl: 24.

In omnibus réquiem quæsivi, & in hæreditate Dòmini morabor. Tunc præcepit, & dixit mihi Créator omnium: & qui creavit me, requièvit in tabernaculo meo, & dixit mihi: In Jacob inhabita, & in Jsraél hæreditare, & in electis meis mitte radices. Et

sic in Sion firmata sum, & in civitate sanctificata similiter requievi, & in Jerúsalem potestas mea. Et radicavi in populo honorificato, & in parte Dei mei hæreditas illius, & in plenitudine Sanctorum detentio mea. Quasi Cedrus exaltata sum in Líbano, & quasi Cypressus in monte Sion: quasi Palma exaltata sum, in Cades, & quasi plantatio rosæ in Iericho. Quasi olíva speciosa in campis, & quasi plátanus exaltata sum, juxta aquam in platéis. Sicut cinnamómum, & balsamum aromatizans odorem dedi: quasi myrrha electa dedi suavitatem odoris.

Graduale. Psal. 26. Unam petii à Dómino, hanc requiram, ut inhabitem in domo Dòmini, omnibus diebus vitæ meæ.

Ÿ. Ut vídeam voluptatem Dòmini, & vísitem templum ejus. Allelúja, allelúja *Psal. 33.* Beati, qui habitant in domo tua, Dómine, in sæcula sæculorum laudábunt te. Allelúja.

✠ *Sequéntia Sancti Evangelii secundum Lucam. Cap. I.*

In illo témpore: Missus est Angelus Gábriel à Deo in civitatem

tem Galilææ, cui nomen Názareth
ad Virginem desponsatam viro, cui
nomen erat Joseph, de domo Da-
vid, & nomen Virginis Mariæ. Et
ingressus Angelus ad eam, dixi:
Ave grátia plena: Dóminus tecum
Benedicta tu in mulieribus. Quæ
cùm audisset, turbata est in ser-
mone ejus, & cogitabat, qualis
esset ista salutatio. Et ait Angelus
ei: Ne timeas Mariæ; invenisti
enim grátiam apud Deum: ecce
concípies in útero, & páries fíi-
um, & vocábis nomen ejus JE-
SUM. Hic erit magnus, & Fílius
Altíssimi vocábitur, & dabit
illi Dóminus DEUS sedem David
Patris ejus: & regnabit in domo
Jacob in ætérnum, & regni ejus
non erit finis. Dixit autem Ma-
riæ ad Angelum: Quómodo fiet
istud, quoniam virum non cognó-
sco? Et respondens Angelus, di-
xit ei: Spíritus Sanctus supervé-
niet in te, & virtus Altíssimi ob-
umbrábit tibi. Ideoque & quod
nascetur ex te Sanctum, vocábi-
tur Fílius Dei. Et ecce Elísabeth
cognata tua, & ipsa concépit fí-
lium in senectúte sua: & hic men-
sis sextus est illi, quæ vocatur sté-
rilis: quia non erit impossibile
apud Deum omne verbum. Di-
xit autem Mariæ: Ecce ancilla
Dómini, fiat mihi secundum ver-
bum tuum. Credo.

Offertorium: Psalm. 5.

INtroibo in domum tuam, ado-
rabo ad templum Sanctum tu-
um, & confitébor nómini tuo.

Secreta.

Accipe, quæsumus Domine. mu-
nera in hac sacra Domo dignanter
oblata, & Beátæ Mariæ Virginis
suffragantibus meritís, ad nostræ
salútis auxílium pervenire con-
cede. Per Dominum nostrum.

Præfatio: Et te in festivitáte Beá-
tæ Mariæ semper Virginis &c.

Communic: Sap. 9.

BEátus, qui audit me, & qui
vigilat ad fores meas quotidie
& observat ad postes óstii mei.
Qui me invenerit, invéniet vitam,
& háuriet salútem á Domino.

Postcommunio.

QUæsums, Dómine Deus no-
ster, ut sacrosáncta mystéria,
quæ pro reparationis nostræ mu-
nimine contulísti! intercedente
Beáta Mariæ semper Virgine, &
præsens nobis remédium esse faci-
as, & futurum. Per Dóminum no-
strum JESUM Christum Fílium
tuum: Qui tecum vivit & regnat
in unitáte. Spíritus Sancti Deus,
per omnia Sæcula sæculorum.

A M E N.



x. III. 47





980519 Bibliotheca 38005.
P.P. Camaldulensium in Bielany


Depozyt w Bibliotece Jagiellońskiej



07994







MISSALE
MONASTICUM